

文淵閣

影印

四庫全書

影印

文淵閣四庫全書

第一三三二冊

北京出版集團公司
北京出版社

本冊目次

高氏三晏詩集	附香山九老詩集	篋中集	河嶽英靈集	國秀集	御覽詩集	中興閒氣集	極玄集	松陵集	二皇甫集	唐四僧詩集	薛濤李冶詩集	竇氏聯珠集	才調集	搜玉小苑	古文苑
--------	---------	-----	-------	-----	------	-------	-----	-----	------	-------	--------	-------	-----	------	-----

唐高正臣輯……………一	唐元結編……………二	唐殷璠編……………一九	唐芮挺章編……………六三	唐令狐楚編……………九五	唐高仲武編……………一二五	唐姚合編……………一四九	唐皮日休陸龜蒙等撰……………一六三	唐皇甫冉皇甫曾合撰……………二八一	唐釋靈澈等撰……………三二一	唐薛濤李冶撰……………三四一	唐竇常等撰……………三五七	唐褚藏言編……………三八一	唐韋穀編……………三八一	唐不著撰人……………五六一	宋章樵註……………五七三
-------------	------------	-------------	--------------	--------------	---------------	--------------	-------------------	-------------------	----------------	----------------	---------------	---------------	--------------	---------------	--------------

欽定四庫全書

集部

高氏三宴詩集卷下上至

詳校官中書臣陸湘

助教_臣常循覆勘

總校官進士臣楊懋珩

校對官中書臣石鴻儒

謄錄監生臣劉宗望

欽定四庫全書

集部八

高氏三宴詩集

總集類

提要

臣等謹案高氏三宴詩集三卷附香山九老詩一卷唐高正臣輯所載皆同人會宴之詩以誌一時之盛詩分三卷各有序一為陳子昂一為周彥暉一為長孫正隱三宴皆于高氏與宴者凡二十一人考之新唐書有列

欽定四庫全書

高氏三宴詩集

傳者三人則陳子昂郎餘令解琬也附見他傳者一人則周思鈞也見于本紀及世系表一人則張錫也僅見于世系表者五人則高正臣高瑾王茂時高紹高嶠也餘皆不詳顛末按世系表正臣曾為襄州刺史不云衛尉卿今詩後叙正臣及周思鈞事獨詳所云連姻帝室寓居洛陽皆與諸序語合似非無據然必係後人所加矣末又附香山九老會詩

一卷卷尾有夷白堂重雕字樣考宋鮑慎田

欽止元祐六年進士著有夷白堂集所刊書

籍甚夥蓋高氏三宴與香山九老俱係唐人

又俱在洛陽故並為之開雕宋人珍重古書

往往如此九老會詩已附見白香山詩集而

三宴詩之名目史志缺如則此誠秘本矣第

當時就宋本傳抄其中不無訛處如以高嶠

為司府郎中唐百官志無司府郎中之名應

欽定四庫全書

高氏三宴詩集
提要

三

從世系表改為司門郎中又張錫于武后久

視元年拜同平章事貝州東武城人詩中誤

以錫東為名殊屬錯謬又弓嗣初高瑾周彥

暉並曰咸寧進士唐無咸寧年號高宗曾改

元咸亨寧字定係亨字之誤茲並為改正云

乾隆四十六年十一月恭校上

總纂官臣紀昀臣陸錫熊臣孫士毅

總校官臣陸費輝

欽定四庫全書

高氏三宴詩集卷上

唐高正臣輯

晦日置酒林亭并序

陳子昂

有渤海之宗英是平陽之貴戚發揮鳳管而嘯侶幽贊

雞川而留宴冠纓濟濟多延戚里之賓鸞鳳鏘鏘自有

文雅之客凡二十有一人皆以華字為韻

欽定四庫全書

高氏三宴詩集
卷上

高正臣

廣平人衛尉卿

正月符佳節三春玩物華忘懷寄罇酒陶性狎山家柳

翠含烟葉梅芳帶雪花光陰不相借遲遲落景斜

崔知賢

闕

上月河陽地芳辰景望華綿蠻變時鳥照耀起春霞柳

搖風處色梅散日前花淹留洛城晚歌吹石崇家

韓重宣

闕

欲知行有樂芳躋對物華地接安仁縣園是季倫家柳
暗雲疑葉梅開雪似花日落歸途遠留興伴烟霞

周彥昭

闕

勝地臨雞浦高會偶龍沙御柳驚春色仙茆揜月華門
邀千里馭杯泛九光霞日落山亭晚雷送七香車

欽定四庫全書

高氏三堂詩集
卷上

高球

闕

溫洛年光早皇州景望華連鑣尋上路乘興入山家輕
苔網危石春水架平沙賞極林塘莫處處起烟霞

弓嗣初

咸亨二年進士一人

上序春暉麗中囿候物華高才盛文雅逸興滿烟霞參
差金谷樹皎鏡碧塘沙簫鼓林亭晚倒載欲還家

高瑾

渤海人咸亨元年進士

試入山亭望言是石崇家二月風光起三春桃李華鶯
吟上喬木雁往息平沙相看會取醉寧知還路賒

王茂時

闕

勝踐尋良會乘春玩物華還隨張放友來向石崇家止
水分巖鏡開庭枕浦沙未極清泉賞參差落照斜

欽定四庫全書

高氏三堂詩集
卷上

徐皓

闕

綺筵乘暇景瓊醕對年華門多金埒騎路引璧人車蘋
早猶藏葉梅殘正落花靄靄林亭晚餘興促流霞

長孫正隱

闕

晦晚屬烟霞逶迤重歲華歌鐘雖戚里林藪是山家細
雨猶開日深池不漲沙淹留迷處所岩岫幾重花

高紹

考功郎中

嘯侶入仙家
臨春玩物華
葛絲調綠水
桂醕酌丹霞
岸柳開新葉
亭梅落早花
興洽林亭晚
方還倒載車

郎餘令

定州人進士著作郎

三春休晦節
九谷泛年華
半晴餘細雨
全晚澹殘霞
鐫開疎竹葉
管應落梅花
興闌相顧起
流水送香車

欽定四庫全書

高氏三宴詩集
卷上

四

陳嘉言

闕

公子申敬愛
携朋玩物華
人是平陽客
地即石崇家
水紋生舊圃
風色滿新花
日暮連歸騎
長川照落霞

周彥暉

咸亨五年進士

砌葦收晦魄
津柳競年華
既狎忘筌友
方淹投轄車
綺筵回舞雪
瓊醕泛流霞
雲低天上晚
絲竹帶風斜

高嶠

司門郎中

飛歡寓春望
開宴坐汀沙
積水含苔色
晴空蕩日華
歌入平陽地
舞對石崇家
莫慮能騎馬
投轄自停車

周思鈞

貝州漳南人中書舍人

早春驚柳穉
初晦拚葦華
騎出平陽里
筵開衛尉家
竹影含雲密
池紋帶雨斜
重惜林亭晚
上路滿烟霞

欽定四庫全書

高氏三宴詩集
卷上

五

劉友賢

闕

春來日漸賒
琴酒逐年華
欲向文通徑
先游武子家
池碧新泉滿
巖紅落照斜
興闌情未極
步步惜風花

陳子昂

字伯玉射洪人進士右拾遺

尋春遊上路
追宴入山家
主第簪纓滿
皇州景物華
玉池初吐溜
珠樹始開花
歡娛方未極
林閣散餘霞

張錫

東武城人宰相封平原公

雪盡銅駝路花照石崇家年光開柳色池影泛雲華

賞洽情方遠春歸景未賒欲知多暇日罇酒清澄霞

王勔

絳州龍門人澤州長史

上序披林館中京視物華竹窓低露葉梅徑起風景

落春臺霧池浸舊渚沙綺筵歌吹晚暮雨泛香車

欽定四庫全書

高氏三宴詩集
卷上

六

解琬

元城人太子賓客

主第簪裾出王畿春望華山亭一以眺城闕帶烟霞橫

堤列錦帳傍浦駐香車歡娛屬晦節酌酎未還家

高氏三宴詩集卷上

欽定四庫全書

高氏三宴詩集卷中

唐高正臣輯

晦日重宴并序

周彥暉

序云云缺凡八人同用池字為韻

高正臣

芳晨重游行乘景共追隨班荆陪舊識傾蓋得新知水

欽定四庫全書

高氏三宴詩集
卷中

葉分蓮沼風花落柳枝自符河朔趣寧羨山陽池

韓重宣

鳳苑仙吹晚龍樓夕照披陳遵已投轄山公正坐池落

日催金奏飛霞送玉卮此時陪綺席不醉欲何為

弓嗣初

年華藹芳隰春溜滿新池促賞依三友延歡寄一卮鳥

聲隨管變柳影逐風移行樂方無極淹留惜晚曦

高瑾

忽聞鶯響谷於此命相知正開彭澤酒來向高陽池柳
葉風前弱梅花影處危賞洽林亭晚落照下參差

陳嘉言

高門臨冠蓋下客抱支離綺席珍羞滿文塲藻翰摘
花彫上禁柳色靄春池日斜歸戚里連騎勒金羈

周彥暉

春華歸柳岸晦景落葦枝置驛銅街右開筵玉浦臨
烟林含帳密竹雨帶珠危興闌巾倒戴山公下習池

欽定四庫全書

高氏三宴詩集
卷中

高嶠

駕言尋鳳侶乘歡俯雁池班荆逢舊識斟桂喜深知
紫蘭方出徑黃鶯未轉枝別有陶春日青天雲霧披

周恩鈞

綺筵乘晦景高宴下陽池濯雨梅香散舍風柳色移
輕塵依扇落流水如弦危勿顧林亭晚方散雲霧披

高氏三宴詩集卷中

欽定四庫全書

高氏三宴詩集卷下

唐 高正臣 輯

上元夜宴效小庾體并序

長孫正隱

九谷帝畿三川奧域交風均露上分朱鳥之躔沂洛背
河下鎖蒼龍之闕多近臣之第宅即瞰銅街有貴戚之
樓臺自連金苑美人競出錦帳如霞公子交馳雕鞍似

欽定四庫全書

高氏三宴詩集
卷下

月同游洛浦疑尋稅馬之津爭渡河橋似向牽牛之渚
寶昌年之樂事令節之佳遊者焉凡六人同用春字為
韻

高正臣 詩闕

崔知賢

今夜啟城闌結伴戲芳春鼓聲撩亂動風光觸處新月

下多遊騎燈前饒看人觀樂無窮已歌舞達明晨

韓重宣

他鄉月下人相伴看燈輪光隨九華出影共百枝新歌
鐘盛北里車馬沸南隣今宵何處好惟有洛城春

高瑾

初年三五夜相知一兩人連鑣出巷口飛轂下池濱燈
光恰似月人面併如春遨遊終未已相歡待日輪

長孫正隱

欽定四庫全書

高氏三宴詩集
卷下

二

薄晚嘯遊人車馬亂驅塵月光三五夜燈焰一重春烟
雲迷北闕簫管識南隣洛城終不閉更出小平津

陳嘉言

今夜可憐春河橋多麗人寶馬金為絡香車玉作輪連
手窺潘掾分頭看洛神重城自不掩出向小平津

一高氏三宴詩卷下

高氏三宴詩集詩後

高正臣廣平人連姻帝室官至衛尉卿寓居洛陽善詠
愛客一時名士多所交接習右軍書法睿宗愛其筆金
陵棲霞寺有其所書碑攝山棲霞寺明徵君之碑

尚書
徵君

明僧紹
平原人

周思鈞貝州漳南人與兄思茂俱早知名武后時為太
子文學劉禕之被收臨刑洗沐神色自若援筆為表詞
理慄至思鈞稱嘆其文武后惡之貶揚州司倉叅軍以

欽定四庫全書

高氏三宴詩集
詩後

中書舍人終

香山九老詩序

會昌五年三月二十四日胡吉劉鄭盧張等六人皆多年壽余亦次焉於東都敝居履道坊內合尚齒之會七老相顧既醉且歡靜而思之此會希有因各賦七言六韻詩一章以記之或傳諸好事者其年夏又有二老年貌絕倫同歸故鄉亦來斯會續命書姓氏年齒寫其形貌于圖右與前七老題為九老圖仍以一絕贈之云雪作須眉雲作衣遼東華表暮雙歸當時一鶴猶希有何

欽定四庫全書

香山九老詩序

香山九老詩爵里紀年

胡果 安定人前懷州司馬年八十九
吉皎 馮翊人衛尉卿致仕年八十八
劉貞 廣平人前磁州刺史年八十七
鄭處 滎陽人前龍武衛長史年八十五
盧貞 范陽人前侍御史內供奉官年八十三
張渾 清和人前永州刺史年七十七
白居易 太原人刑部尚書致仕年七十四

欽定四庫全書

香山九老詩爵里紀年

李元爽 洛中遺老年一百三十六
禪僧如滿 年九十五
雖與會而不及列

狄兼謨 秘書監

盧貞 河南尹

欽定四庫全書

香山九老詩

胡杲

閒居同會在三春大抵愚年是出羣霜鬢不嫌杯酒興
白頭仍愛玉鑪薰徘徊玩柳心猶健老大看花意却勤
鑒落滿斟判酩酊香囊高掛甚氤氲搜神得句題紅紙
望景長吟對白雲今日交情何不替齊年同侍聖明君

吉皎

欽定四庫全書

香山九老詩

休官罷任已閒居林苑園亭興有餘對酒最宜花薄發
邀歡不厭柳條初低腰醉舞垂緋袖擊筇謳歌任褐裙
寧用管絃來合雜自親松竹且清虛飛觥酒到須先酌
賦咏詩成不住書借問商山賢四皓不知此後更何如

劉貞

垂絲今日幸同筵朱紫居身似大年賞景尚知心未退
吟詩猶覺力完全閒庭飲酒當三月在席揮毫象七賢
山茗煮時秋露碧玉杯斟處綠霞鮮臨階花笑如歌妓

傍竹松聲當管絃雖未學窮生死訣人間豈不是神仙

鄭愚

東洛幽閒日莫春邀歡皆是白頭賓官班朱紫多相似
年紀高低次第勻聯句每言松竹意停杯多說古今人
更無外事來心肺空有清虛入思神醉舞兩回迎勸酒
狂歌一曲會娛身今朝何事偏情重同作明時列任臣

盧貞

三春已盡洛陽宮天氣初晴景象中千朵嫩桃迎曉日

欽定四庫全書

香山九老詩

萬株隨柳逐和風非論官位皆相似及至年高亦共同
對酒歌聲猶覺妙玩花詩思豈能窮先時共作三朝貴
今日相逢七老翁但願綠醪長滿酌烟霞萬里會應通

張渾

幽亭春盡共為歡印綬居身是大官遁跡豈勞登遠岫
垂絲何必坐溪磻詩聯六韻應猶易酒飲三杯未覺難
每況襟懷同宴會共將心事比波瀾風吹野柳垂羅帶
日照庭花落綺紈此席不煩鋪錦帳斯筵堪作畫圖看

白居易

七人五百八十四拖紫紆朱垂白鬚囊裏無金莫嗟嘆
樽中有酒且歡娛吟成六韻神還壯飲到三杯氣尚麤
冤峨狂歌教婢拍婆娑醉舞遣孫扶天年高邁二疏傳
人數多于四皓圖除却三山五天竺人間此會且應無

附

狄兼謨

得老加年誠可喜當春對酒亦宜歡心中別有歡喜事

欽定四庫全書


香山九老詩

三

開得龍門八節灘

盧貞

眼暗頭旋耳重聽唯餘心口尚醒醒今朝歡喜緣何事
禮徹佛名百部經



香山九老詩

欽定四庫全書

集部
篋中集

詳校官中書臣陸 湘

助教臣常備覆勘

覆校官中書臣汪師曾

校對官原任典簿臣郭祚熾

謄錄貢生臣李 璜

欽定四庫全書

集部八

篋中集

總集類

提要

臣等謹案篋中集一卷唐元結編結有次山集已著錄是集成于乾元三年錄沈千運王季友于邈孟雲卿張彪趙徵明元季川七人之詩凡二十四首前有自序稱已長逝者遺文散失方阻絕者不見近作盡篋中所有總編次之名曰篋中集其詩皆淳古淡泊絕去雕飾非惟與當時作者門徑迴殊即七人所作見于他集者亦不及此集之精善蓋汰取精華百中存一特不欲居刊雜之名故託言篋中所有僅此云爾其沈千運寄秘書十四兄一首較河岳英靈集所載顛倒一聯又少後四句亦小有異同而均以此本為勝疑結亦頗有所點定館閣書目謂二十四首皆結

欽定四庫全書

篋中集
提要

作則不然也千運吳興人家于汝北季友河

南人家貧賣履博極羣書豫章太守李勉引

為賓客杜甫詩所謂豐城客子王季友也逃

里籍無考李白獨孤及皆有詩贈之雲卿河

南人或曰武昌人嘗第進士官校書郎今所

傳詩一卷僅十七首而悲苦之詞凡十三首

則亦不得志之士彪穎洛間人杜甫詩所稱

張山人彪者即其人微明天水人名見寶泉

欽定四庫全書

箇中集
提要

述書賦李川即結弟元融獨書其字未詳其

故或融之子孫所錄如玉臺新咏之稱徐孝

穆歟乾隆四十二年九月恭校上

總纂官 臣 陸錫熊 臣 孫士毅

總校官 臣 陸費墀

欽定四庫全書

集部八

箇中集目錄

總集類

沈千運 四首

感懷弟妹

贈史修文

濮中言懷

山中作

王季友 二首

欽定四庫全書

箇中集
目錄

別李季友

寄韋子春

于逖 二首

野外行

憶舍弟

孟雲卿 五首

古樂府挽歌

今別離

悲哉行

古離別

傷懷贈故人

張彪 四首

雜詩

神仙

北遊還訓孟雲卿

古別離

欽定四庫全書

漢中集
目錄

二

趙徵明 三首

回軍跋者

挽歌詞

思歸

元李川 四首

泉上雨後作

登雲中

一
山中曉興

古遠行

欽定四庫全書

漢中集
目錄

三

篋中集原序

元結作篋中集成問曰公所集之詩何以訂之對曰風

雅不興幾及千歲溺於時者世無人哉嗚呼有名位不

顯年壽不將獨無知音不見稱顯死而已矣誰云無之

近世作者更相沿襲拘限聲病喜尚形似且以流易為

詞不知喪於雅正然哉彼則指咏時物會諧絲竹與歌

兒舞女生污惑之聲於私室可矣若今方直之士大雅

君子聽而誦之則未見其可矣吳興沈千運獨挺於流

欽定四庫全書

原序

俗之中強攘於已溺之後窮老不惑五十餘年凡所為

文皆與時異故朋友後生稍見師效能侶類者有五六

人嗚呼自沈公及二三子皆以正直而無祿位皆以忠

信而久貧賤皆以仁讓而至喪亡異於是者顯榮當世

誰為辨士吾欲問之天下兵興於今六歲人皆務武斯

為誰嗣已長逝者遺文散失方阻絕者不見近作盡篋

中所有總編次之命曰篋中集且欲傳之親故冀其不

忘於今凡七人詩二十四首時乾之三年也

關

欽定四庫全書

篋中集

唐元結編

沈千運四首

感懷弟妹

今日春氣暖東風杏花折筋力又不如却羨澗中石神

仙香難導中壽稀滿百近世多天傷喜見髣髴白杖藜

竹樹間宛宛行舊跡豈知林園主却是林園客兄弟可

得半空為亡者惜冥冥無再期哀哀望松柏骨肉能幾

欽定四庫全書

原序

人年大自踈隔性情誰免此與我不相易唯念得爾輩

時看慰朝夕平生茲已矣此外盡非適

贈史修文

故人阻千里會面非別期握手於此地當歡返成悲念

離宛猶昨俄已經數暮疇昔皆少年別來髮如絲不道

舊姓名相逢知是誰曩游盡騫翥與君仍布衣豈曰無

其才命理應有時別路漸欲少不覺生涕洟

濮中言懷